

Cuerpo Policial ta completamente Y2K ready

Falta 52 dia pa aña 2000

Pa mas informacion yama

helpdesk tel: 2000



SETAR
KEEPING YOU IN TOUCH WITH THE WORLD



ANTRACO ARUBA N.V.

L.G. Smith Boulevard 126
PH: 823434 FAX: 833006



Un total di 48 Artista Plastico preparando pa exposicion "E AUTO-RETRATO NOBO"

ORANJESTAD (AAN)-- Den su calidad di Coordinador General di Arte Visual di Instituto di Cultura Aruba, señor Elvis Lopez a elabora, durante un bishita na redaccion ayera merdia, riba e preparacion pa un exposicion cu lo carga e nomber di "E Auto-Retrato Nobo".

Pa realiza e exposicion aki Instituto di Cultura a invita un grupo di artista plastico local, Curacao, Bonaire, Hulanda,

Merca y Suriname pa participa, y sin perde di bista e expresion contemporaneo di cada un, a fiha cierto rekisitonan, manera:

- 1) No ta acepta obranan ya existente
- 2) Cada obra no mester ta mas grandi cu 70 pa 80 cm.
- 3) Cada artista lo expresa esaki den nan propio estilo
- 4) No cay den caracter cotidiano of realismo
- 5) E auto-retrato por ta un

reflejo di e alma di e artista
6) Tur obra mester wordé entregada prome cu dia 25 di november awor.

APERTURA

Elvis Lopez a duna di conoce cu e apertura lo tuma lugar diadomingo 28 di november pa 6'or di atardi na Instituto di Cultura Aruba, y e lo keda habri te cu ultimo siman di Carnaval 2000.

META

"E meta di e exposicion ta pa trece nos artistanan hunto, pa asina reflexiona y compara riba e manera di trata di trece nos arte mas cerca di tempo y di e mundo di arte contemporaneo cu nos ta biba aden", Elvis a comenta.

ARTISTANAN INVITA:

E artistanan cu a worde invita ta Juancho Dijkhof, Mo Mo-hamed, Marlene van Blaricum, Marcello Werleman, Monchi Angela, Jenny Kock,

Erick de Cuba, Nadine Gonella, Irene Peterson, Percy Irausquin, Maria La Torre, Marell Warell Welming, Daniel Levi, Vera Croes, Stefanita Thomas, Fernando Vermeer, Renwick Heronimo, Fernando Aroniz, Steve Keith, Roberto Angela, Junior de Windt, Paul van Driel, Luti L'isle, Ciro Abath, Alida Martinez, Ryan Oduber, King Lie Kwie, Osaira Muyale, Philippe Zanolino, Tony Monsanto, Amy Silva, Belinda v/d Linden, Anemiep Oteleten, Marlyn

Dunker, Helena Martina, Glenda Heyliger, Remy Jungerman, Walty Simson, Minerva Laufer, Stan Kuiperi, Jubi Kirindongo, Danillo Geerman, Ashley Mauricia, Eefje van Twillert, Elvis Lopez, Winfred Dania y Helen Spijkstra.

PERSPECTIVA:

Elvis Lopez su perspectiva pa e exposicion aki ta masha positivo y halto mes. E ta mire como un ciere reflexivo di milenio y siglo pa drenta den un era nobo, den cual por spera hopi cambio y no menos den arte plastico, cu sigur lo sigui evoluciona cu dinamismo y lo no laga espacio pa ningun artista contemporaneo detene su mes un caminda...